

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Epistolarvm [epistolarum] D. Philippi Melanchthonis Farrago

Melanchthon, Philipp

Basileae, 1565

VD16 -M3220

Magnifico D.Rectori, magistris ac doctoribus Academiae Francofordianae
ad Oderam,&c. Philippus Melanchthon S. D.

[urn:nbn:de:bsz:31-312770](https://nbn-resolving.org/urn:nbn:de:bsz:31-312770)

cuis festinaret: & meas occupationes nosti. Bene
& feliciter uale. 22 Ianuarij.

Magnifico D. Rectori, magistris ac docto-
ribus Academiae Francofordianae ad O-
deram, &c. Philippus Melanch-
thon S. D.

III, 60.

Apud Xenophontem Cyrus cum proponit edi-
tum, ut agricolis parcatur, addit causam: Quia in
ipso etiam belli incendio perficiendum sit, ut quam
minimum sit belli. Id suo quoenq; loco imitari decet.
Etiam si concutuntur imperia, cuius rei multae sunt
causae: tamen interim quaedam foedera religionis et
naturae seruari oportere sciamus. Diligamus Ecce-
siam, ubicunque est: diligamus cognatos ubicunque
sunt, & eis leniamus aerumnas. Ita in ipso bello mi-
nus erit belli. Id cum ab illustrissimo Electore
Marchione factum sit in hoc bello, qui et lenire mala
publica studuit, et tanquam Nestor inter duces paci-
ficator fuit, et priuatim multis opem tulit, uirtus eius
praecipua laude digna est. Ego quoque & publi-
co & meo nomine ei gratias ago. Deinde quod &
Academia uestra exemplum sui Principis imitatur,
ac mihi in hoc exilio desert hospitium: uobis etiam
pro ista erga me beneuolentia gratias ago. ac leua-
tionem mearum miseriarum magnam fore ducere,
si contingeret in illa frequentia doctissimorum ui-
rorum,

rorum, qui omnium artium cognitionem comple-
xi sunt, uiuere. Cumq; nondum certam sedem ha-
beam, aliquāto post de mea uoluntate ad illustris-
simum Electorem Marchionem & ad uos copio-
sius scribam. Nunc accersitus sum Vitebergam, ut
de tabulis nostri naufragij deliberemus, & ratio-
nes quaedam referendæ sunt. Adsum etiam editionē
quarundam lucubrationum, quas multo antè pro-
pter utilitatem adolescentiæ institui. His absolutis,
fortassis peregrinatio in aliq̄ loca suscipienda erit,
quam ut Deus gubernet oro, ne studia doctrinæ ex-
tingui sinat. Sed seruet tum alias Academias, in quib-
us reserē inuocatur: tum uerò uestram, quæ in his
regionibus nunc unica domicilium est coelestis do-
ctrinæ & integræ philosophiæ. Bene ualete. Calen-
dis Augusti, Anno 1547.

Reuerendo uiro & uirtute præstanti, do-
mino NN. pastori Ecclesiæ Dei in incly-
ta urbe Bremi, fratri suo chariss-
imo, S. D.

Reuerende uir & charissime frater, & debeo
& habeo gratias Senatui uestro, pro beneuolentiâ
erga me: tum uerò etiam pro uino misso: teq; oro,
ut meis uerbis reuerenter Senatui gratias agas. Mit-
to tibi duo exemplaria disputationis, etsi nuper u-
num ad te misi, quorum alterum dabis Secretario

o 2 Senatui